

**PEMBERITAHUAN PERTANYAAN BUKAN JAWAB LISAN  
DEWAN RAKYAT**

**PERTANYAAN : BUKAN JAWAB LISAN**

**DARIPADA : DATUK HAJI DATU NASRUN BIN DATU MANSUR  
[ SILAM ]**

**RUJUKAN : 8717**

**SOALAN:**

**Datuk Haji Datu Nasrun bin Datu Mansur [ Silam ]** minta **MENTERI DALAM NEGERI** menyatakan apakah usaha dan langkah yang telah diambil oleh Kerajaan dalam mengatasi masalah jumlah banduan yang melebihi kapasiti penjara di Sabah. Bilakah projek pembinaan penjara Lahad Datu akan dapat dilaksanakan.

## **JAWAPAN:**

**Untuk makluman Ahli Yang Berhormat, berasaskan statistik terkini Jabatan Penjara Malaysia sememangnya berlaku lebih jumlah banduan berbanding kapasiti 6 buah institusi penjara di negeri Sabah. Antara langkah jangka pendek yang dilakukan secara berterusan bagi mengurangkan masalah ini ialah dengan memindahkan banduan dari penjara-penjara Sabah ke Penjara Labuan dan Sarawak. Di samping itu, Program Pemulihan Pemasarakatan di Kem Kota Belud telah dimulakan pada tahun 2015 yang mana ianya turut mengurangkan lagi lebih jumlah banduan tersebut.**

**Pihak Kerajaan juga telah meluluskan permohonan untuk membina Penjara Lahad Datu di bawah Rancangan Malaysia ke 10 (RMK 10) dan sambungan di bawah RMK 11. Projek ini dijangka akan dimulakan selewat-lewatnya penghujung tahun ini. Kapasiti bagi penjara baru tersebut yang ditetapkan adalah 1,000 banduan.**